



Waka Kotahi - Kaupapa Akomanga Pūkenga Pahikara

Kupu Whakataki: Kia Haumarū, Kia Ngahau te Eke Pahikara

He mea hanga ngā mahere ako ā-marautanga hei tautoko i ngā akoranga i roto i
ngā wāhanga whakangungu pūkenga pahikara a BikeReady

BikeReady

Skills and experience to bike for life
bikeready.govt.nz

NZ TRANSPORT
AGENCY
WAKA KOTAHĪ



New Zealand Government

E tuku ana tēnei rauemi i ngā mahi akoranga ki ngā kaiako akomanga e whakatītina ana i ngā ākonga ki te rapa rongoā, matapakī, whakamātautau me te waihanga rauemi hei whakatipu i tētahi māramatanga hōhonu o te eke pahikara kia haumarū me te ngahau ina eke pahikara. Ka ako ngā ākonga i ngā pūtake me ngā mutunga iho o te eke pahikara kia haumarū, kia ngahau me ngā ratonga whakahaere mōrea kia haumarū ai ngā kaieke pahikara.

He mea hoahoa tēnei rauemi hei whakamahi i te akomanga i te taha o te whai wāhi a ngā ākonga i roto i ngā akoranga whakangungu pūkenga pahikara Koeke 1 a BikeReady. He whakaoho i ngā akoranga mā ngā whakaaro o te:

Te eke pahikara me te kirirautanga

- Ko te hunga e whakamahi ana i ngā pahikara ina whakamahi ana i te rori mō te ikiiki e kīia ana rātau he kaieke pahikara.
- Ko ngā mōhio, pūkenga, waiaro, whanonga hoki o ngā kaieke pahikara he motuhake.
- Ngā kaieke pahikara me ngā kirirau – ka tiroiro haere mō ētahi atu kaiwhakamahi rori i te wā kei runga i te rori kia haumarū ai te haere a ngā kaiwhakamahi rori.
- Ka āwhina ngā tikanga me ngā ture i ngā kaieke pahikara kia haumarū ai te haere
- Kei reira ngā tikanga me ngā ture mō te whanonga eke pahikara me ngā utauta pahikara.

Te eke pahikara me te hauora

- He maha ngā whai wāhitanga ka hua i te eke pahikara mō te hauora
- Taha tinana
- Taha hinengaro
- Taha whanau
- Taha wairua

Te eke pahikara, whakaaro hoahoa me te STEM

- He maha ngā horopaki ka puta i te eke pahikara mō te ako mā te STEM, e whakahiato ana i ngā whakaaro hoahoa mā te:
- Pūtaiao
- Hangarau
- Pūkaha
- Pāngarau

Hei tauira, ngā whakaaro arohaehae me te auaha mō te:

- Mahi Waihanga - te mahi pahikara hou me te whakapai ake i te mahinga o ngā pahikara onāiane. Ngā hītori hoahoa o ngā pahikara
- Mīhini - hangarau, ngā hāupa, wīra, kia, mekameka, pētara, pereki
- Nekehanga - ngā tōpana, tawhiti, tere, ahunga, whakaterenga, pāitiiti, tū noa, wakuwaku, parehau
- Mahere me te pūwāhi - ngā rori me ngā ara pahikara, mapi, ara, ara pahikara, te hoahoa me te waihanga ara hou
- Te hoahoa i tētahi whai wāhitanga mō ngā kaieke pahikara kia auau ai te tautiaki i ō rātau pahikara - ngā awheawhe ohore
- Ngā matatika o te tikanga ngaio - ngā whakahīroutanga hoahoa o te whakamahi tahi i ngā rori me ētahi atu kaiwhakamahi rori (kaihiroi, kaieke motupaika, kaitaraiwa, kaitaraiwa taraka); ngā ara pahikara.

Te eke pahikara, te reo matatini me te pāngarau

Te rapu māramatanga mō te reo, ngā tohu me ngā kupu; i rō tikanga rori, pakimaero, kōrero pono, whiti, ngā pūkenga mahi, ngā kupu ā-waha, ngā kupu ataata tae atu ki te pānui haumarū, aha atu, aha atu.

Te eke pahikara me te arotahi anamata

Me whakamahi ngā whakaaro arohaehae, auaha hoki mō te wāhanga o te eke pahikara i roto i te ikiiki onamata, inamata, anamata hoki.

Ngā tohutoro rauemi te #pūkenga me te #wanawana e puta ana i te eke pahikara mō te hunga me te #hiahia ki te haere ki te eke pahikara.

Ngā hononga

He maha ngā tāngata, rōpū, ngā tari kāwanatanga me ngā whakahaere kāwanatanga-kore ka taea ngā mahi whakaako me te ako i roto i tēnei rauemi te tautoko. E rārangi ana ētahi o ēnei i roto i ngā āpitihanga.

KIA MŌHIO: Me mōhio mai kei roto pea i ēnei mahere ko ngā matapaki mō ngā āhuatanga kāore i te haumarū e pā mai ai ngā wharanga nui. Ko te tikanga he ākonga kei roto i tō kaupapa e mōhio ana ki aua take, ā, māu e whakarite. E tūtohu ana mātau kia whai whakaaro ngā ākonga ki ngā āhuatanga takitahi ina taea.

He pēhea te whakamahi a ngā kaiako i te rauemi marautanga a BikeReady

He mea waihanga ngā mahinga katoa hei whakamahi mā ngā kaiako akomanga hei whakahōhonu i ngā akoranga i te taha o ngā wheako ākonga i roto i ngā akoranga pūkenga pahikara Koeke 1 a BikeReady. E whakahaerehia ana ngā akoranga pūkenga pahikara e ngā kaitohutohu ngaio ka haere ki tō kura.

Ehara te rauemi marautanga i te mea tohutohu. Ka taea te whakamahi i runga i te ngāwari hei tautoko i te whakamahere marautanga a te kura. Ka taea e ngā ākonga te tīpako i ngā mahinga akoranga maha, itiiti noa kia hāngai ai ki ngā kaingākau, mōhio me ngā hiahia akoranga.

E whā ngā wāhanga o te rauemi marautanga.

1.0 Ngā Mōhiotanga o Mua - He aha ō mōhio mō te eke pahikara kia ngahau, kia haumarū hoki?

Ngā mahi akomanga hei whakarite i ngā mōhio o mua o ngā ākonga. Ka taea ēnei mahi te whakamahia e te kaiako akomanga i mua i te whakahaere i ngā akoranga pūkenga pahikara i roto i te kura. Tērā rānei, ka taea e ngā kaiako ngā otinga o ngā matapakinga akomanga te tuari me ngā kaitohutohu.

2.0. Ngā Rauemi Marautanga - hei tautoko i ngā ākonga pūkenga Koeke 1

E ono ngā akoranga e hāngai ana ki Te Marautanga o Aotearoa e tautoko ana me te whakawhānui i ngā pūkenga hira e ako ana ngā ākonga i roto i tētahi akoranga pūkenga pahikara Koeke 1 a BikeReady. I te nuinga o te wā tū ai ngā akoranga akomanga i muri i te ārai a ngā kaitohutohu ngaio i te akoranga pūkenga pahikara.

3.0. Whakawhiti - He urupounamu mā ngā ākonga ki ngā whakapātari me ngā whai wāhitanga mō ngā kaieke pahikara i roto i te hapori.

Ngā mahinga tāpiri mā ngā ākonga kia arohaehae me te whakaaro auaha mō ngā kaieke pahikara i roto i te hapori.

4.0 Ngā Āpitihanga

He rārangi whakapā o ngā whakahaere pahikara paetata, ngā rūpiki aromatawai whaiaro me ngā ripanga whakamahere marautanga.

Te hanganga o ngā mahere ako wāhanga 2.0

Kei roto i ia mahere ako i te wāhanga 2.0 ko ngā wāhanga e whai ake.

Arotahi ki ngā pūkenga					
Tautohua te arotahi o te akoranga					
Te huritao mō te wāhanga whakangungu pūkenga					
Te huritao ā-akomanga mō ngā akoranga hou i roto i ngā wāhanga whakangungu pūkenga					
Ngā whai wāhitanga mō whakawhitiwhiti me te hāpori					
Ngā tāngata i roto i te hāpori ka taea te whakapā atu hei tautoko i ngā akoranga hou					
Te Hāngai ki Ngā Wāhi Ako o Te Marautanga o Aotearoa					
Tirohia te Tirohanga Whānui o Ngā Wāhi Ako o Te Marautanga o Aotearoa					
Reo Māori	Te Whakarongo, Pānui me te Tirotiro			Te Kōrero, Tuhituhi me te Whakaatu	
Ngā Toi - Whakaari	Te Mārama ki Ngā Toi i roto i Ngā Horopaki	Te Whakawhanake i Ngā Mōhio Whaitake	Te Waihanga Whakaaro	Te Whakawhitiwhiti me te Whakamāori	
Hauora me te Mātauranga Whakakori Tinana	Hauora Whaiaro me te Whanaketanga ā-Tinana A - A3 Whakahaerenga Haumaruru		Ngā Hāpori Hauora me Ngā Taiao - D2 Ngā Rauemi Hāpori		
Pāngarau me te Tauanga	Tau me te Mahi Taurangi		Āhuahanga me te Inenga		Tauanga
Pūtaiao	Te Āhua o te Pūtaiao				Ō Ahupūngao
	Te mārama ki te pūtaiao	Te tūhura pūtaiao	Te whakawhitiwhiti i roto i te pūtaiao	Te whakauru me te tautoko	Te uiui ā-kiko me ngā ariā ōkiko
Ngā Pūtaiao Pāpori	Tuakiri, Ahurea me te Whakahaere	Te Wāhi me te Taiao		Te Ukiuki me te Huringa	Te Ao Ōhanga
Hangarau	Tikanga Hangarau		Mōhiotanga Hangarau		Te Āhua o te Hangarau
Ngā mahi akomanga e hāngai ana ki Te Marautanga o Aotearoa					
He mea hoahoa ngā mahinga ako hei tautoko i te māramatanga pāpaku ki te matawhānui e pā ana ki ia akoranga pūkenga pahikara. E hāngai ana ia akoranga ki Ngā Wāhanga Ako o Te Marautanga o Aotearoa					
Wāhanga huritao					
Te aromatawai whaiaro ki Ngā Kaiakatanga Hira o Te Marautanga o Aotearoa					